



Inatsisartunut ilaasortaq
Kalistat Lund, Inuit Ataqtigiit

Kuannersuit pillugit § 37 naapertorlugu apeqquteqaammut nr. 2016-263- imut akissuteqaat

Inatsisartut Suleriaasianni § 37 naapertorlugu Kuannersuit pillugit apeqqutit matuma kingulianiittut saqqummiuppatit. Akissuteqaatip matuma suliarineqarneranut atatillugu naalakkersuisoqarfinni suliassaqarfinnit attuumassuteqartunit ilanngussassanik piniartoqarpoq. Tassani pineqarput Inuussutissarsiornermut, Suliffeqarnermut, Niuernermut Nukissiuuteqarnermullu Naalakkersuisoqarfik kiisalu Aatsitassanik Suliassaqarfinnut Avatangiisinut Aqutsisoqarfik.

30-11-2016
Suliap nr. 2016-17805

Postboks 930
3900 Nuuk
Tlf. (+299) 34 68 00
E-mail: mlsa@nanoq.gl
www.govmin.gl

1. GME aatsitassarsiorsinnaanissaminut qinnuteqariaanangorsimava?

Akissut:

Piiaanissamat akuersissummut qinnuteqarnerup ingerlanera, suliassap inuiaqatigiinni piujuartitsiviusumik sunniuteqarnissaanik nalilersuinermit (VSB-imut nassuiaat) aamma suliassap avatangiisinut sunniuteqarnissaanik nalilersuinermit nassuiaammut (VVM-imut nassuiaat) missingiutitut siullertut iluseqartunik, suliassap nassuiaataanik nassiussinermi, aallartereertarpoq. Allakkiat taakkua nassiunneqareernerisa kingorna, pinngitsoorani pisussatut piumasqaataasumik ulluni 35-ini piareersaataasumik tusarniaassutigalugu nassiunneqartarpoq.

Greenland Minerals and Energy A/S (GME) 2014-imi aggustimi suliassamat nassuiaammik taamaattumik nassiussivoq. Suliassamat nassuiaat taanna pinngitsoorani pisussatut piumasqaataasutut piareersaataasumik tusarniaassutigalugu nassiunneqarpoq.

Suliassamat nassuiaat pillugu piareersaataasumik tusarniaanermi taassuminnga oqaaseqaatit, apeqqutit akissutillu aallaavigalugit, ingerlatseqatigiiffiup tamatuma kingorna suliassamat VSB-imut aamma VVM-imut nassuiaatit nutartissavai iluarsissallugillu.

GME-p VVM-imut aamma VSB-imut nassuiaatinnut missingiut nutartigaq ulloq 2. december 2015 tunniuppaa, tassani piareersaataasumik tusarniaanermi ilanngussat attuumassuteqartut ilanngunneqarlutik. Tunniussineq taanna, missingiutit qanoq iluarsineqarsinnaanersut ilitsersorneqarnissaq siunertaralugu, pivoq. Tamatumunnga pissutaavoq allakkiat imarisamikkut pitsaassutsimikkullu aalajangersakkani minnerpaaffissanik naammassinnissimasut naliliisoqarpat, aatsaat tamanut ammasumik tusarniaassutigineqarsinnaammata. Aatsitassanut

oqartussaasut taamaalillutik VVM-imut aamma VSB-imut nassuiaatit iluarsineqarnissaat pillugu 2015-imi decembarimiilli GME ingerlaavartumik oqaloqatigisarpaat.

GME-p tamatuma saniatigut, aamma imarisaa naammaginarnersoq ilitersorneqarnissaq eqqarsaatigalugu, 2016-imi januaarimi imminut akilersinnaassutsimut misissuineq tunniuppaa. GME tamatuma kingorna nalunaarpoq, imminut akilersinnaassutsimut misissuinerit nutartereerlugu – Aatsitassanut oqartussaasunut nassiunneqarani. Taamaattumik aatsitassanut oqartussaasut GME-mut eqqumaffigeqqaat VVM-imut aamma VSB-imut nassuiaatit tusarniaassutigineqarsinnaanissaannut, piunasaqaatit aalajangersimasut naammassineqarsimanissaat pisariaqartoq. Taakkununga ilaavoq imminut akilersinnaassutsimut misissuineq nutartigaq aatsitassanut oqartussaasunut nassiunneqarsimassasoq akuerineqarsimassasorlu.

Piiaanissamut akuersissummik qinnuteqaat taamaalilluni suliap ingerlaneritik immikkoortunik arlalinnik aammalu allakkianik arlalinnik ilaqarpoq, ingerlaavartumik suliarineqartussanik, tamanut saqqummersinneqartussanik, naggataatigullu Naalakkersuisunit nalilersorneqartussanik.

2. GME-p VVM-imut VSB-mullu suliaannut Naalakkersuisut malinnaatinneqarpat?

Akissut:

Matuma siuliani oqaatigineqartutut VVM-imut nassuiaammut aamma VSB-imut nassuiaammut missingiut siulleq GME-p 2015-imi decembarimi tunniuppaa. GME-p maannakkut nassuiaatinut missingiutit nutarterlugit aammalu misissuinerit annertunerusunik suliaqartoqassanersoq suliarai. GME-p tassunga atatillugu aatsitassanut oqartussaasut ingerlaavartumik oqaloqatigisarpai.

3. Naalakkersuisut malinnaatinneqarsimagunik, misissuinerit sumut killippat?

Akissut:

Apeqqummut 1-imut aamma 2-imut akissuteqaatit takukkit.

4. Maannamut GME-p misissuinerit killiffiat aallaavigalugu, qinnuteqariaannangulersutut nalilerneqarpat?

Akissut:

Apeqqummut 1-imut akissuteqaat takuuk.

5. Kinamiut suliffeqarfiutaat, Shenghe, GME-mi piginneqataassutit 60%-iannik piseqqaartussaatsitaanissaannik atsioqatigineqarsimava?

Akissut:

Naamik.

6. Paasissutissanik tamakkiisumik tunniussisoqarnissaannik GME-p tunuarsimaarfiginninera, Naalakkersuisuniit qanoq

isigineqarpa? (Matumani pivakka piginneqataassutitut tunngasut aamma VVM-imut tunngatillugu tusagassiorfinniit paasisutissanik qinnutigineqartunut tunniussisoqannginnissaanik GME-miit piunasaqartarsimanerit).

Akissut:

Allagaatinik takunninnissamut piunasaqarsinnaatitaaneq, pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaat nr. 9, 13. juni 1994-imeersoq (pisortat ingerlatsinerannut inatsit) naapertorlugu kikkunnut tamanut atuuppoq. GME-mit naammagittaalliuutaasoq inatsisit atuuttut naapertorlugit suliarineqassaaq. GME-p qinnuteqaataanik aatsitassanut oqartussasup suliarinninnera aamma tassunga tunngatillugu qinnuteqaatinit allanit allaanerusumik pineqanngilaq.

Inussiarnerisumik inuulluaqqusillunga



Múte Bourup Egede